




[www.BibleForChildren.org](http://www.BibleForChildren.org)


# A Vuhuna 1




Muga na maki lobo ni  
rata, a Vure i rata  
rike a hunu  
a malala.



A malala i uka ma i manga  
ia ngane. I tabuli tavula  
kunana. A uvo i kavitagua a  
utu. A hanuna Vure kunana  
i rara polomeli vona.




Muri a Vure i ta maea, "Ge palala." Ngane i palala.  
A Vure i vunua a hini palala a parava, a uvo i vunua a  
rodo. I rodo i palala. Iea a mugana maka parava.



Muri a Vure i ta maea, "Ge bele tara koropala ge kalipidea a naru ge tabuli na hini ge rua." A koropala iea i vunua a hunu. I rodo i palala. Iea a ruana parava.



Muri a Vure i ta maea, "A naru polotano na hunu ge tua lakea na hini ranga, ge bele a hini ge vu." Muri i bele manga a ngava i taki. A hini vu a Vure i vunua a malala. A hini vona a naru i vunua a dari.  
I matai a maki i rata i kamumu.



Muri a Vure i ta maea, "A malala ge vakabele a maka varili, a kai, a uve ni varo, turana maka kai ri gi tahoka a kanena turana a vutuna ri gi vakabele tabu a hamone ria."

Muri i bele manga a ngava i taki. I rodo, i palala.  
Iea a toluna parava.



A Vure i rata a nipara dagi i rua. A viri  
dagi ne vona ni matakari a parava. A  
viri kiroko ne vona ni matakari a  
rodo. A hada ranga i rata rike.  
I rodo i palala. Iea a  
vana parava.




Muri a Vure i ta maea, "A dari ge vonu vona a maka maki mahuri, ri gi laho lae na kabune ria. A maka kadirovo ri gi bebe polomeli na koropalana malala a hunu." I rodo i palala. Iea a limana parava.




Muri a Vure i ta maea, "A maka maki mahuri ri gi  
vakabele tabu a kabu ne ria: a sipsip a bulmakau, a  
maki kiroko ri karaka lae na robo, a livoa hateka."  
Muri i bele manga a ngava i taki.



Muri i ta maea, "Te ge rata rike a bakovi ge manga teu, ge matakari a manu na dari, a kadirovo, a sipsip a bulmakau, turana a maka maki ri karaka lae na malala." A Vure i matai a maka maki i rata i kamumu hateka. I rodo i palala. Iea a polotarana parava.



E BAKOVI DAGI a Vure i bolea a bakovi i vakamadea  
na hania o Iden ge leho vona ge matakaria.



E BAKOVI DAGI a  
Vure i vakukua a  
bakovi, i ta maea,  
"A maka kanena  
kai lobo o kani,  
pali a kai i habi  
a lohokanga na  
naro kamumu na  
naro hale, naha ni  
kania a kanena. Muholi  
hateka, na tahuna o  
kania bara o mate."



A bakovi i vunu a rana a maka  
sipsip a bulmakau, a kadirovo, a  
livoa na robo, pali i uka tara ge  
mata manga e Adam ga rihina.



Lakea e BAKOVI DADI a Vure i ratea e Adam i mahita mate. Na tahuna i mahita mate i paru talea a karona, muri i kavitagu mulea na bobona. Muri i pipia a ngatavine na karo i paru talea na bakovi, muri i tuli lakea vona a ngatavine.



I mavonga, a bakovi bara i pe e  
tamana e kinana i madoko turana e  
girihina, a kakaine rua ge taku.



I mavonga a vuhuna a Vure i ngaru  
hateka e huriki na malala, lakea i  
rudua e Tuna a bakovi a madiva ge  
mate, lakea e rei a viri i luhoi  
tora ia i uka ma ge velu, bara  
i bole a nimahuri  
vakaroro.



Rom 3:23 Hita lobo si rata pali a naro hale, si marava basi na bagetuanga na Vure.

Rom 6:23 A mapana naro hale a matenga. Pali a nimahuri vakaroro, a Vure i habi tavula ne hita, a vuhuna si rihi e Isu Kristo, a Bakovi Dagi ne hita.

Hibru 9:27 Hita lobo bara si mate balaka taku kunana. Muri bara si pesi na matana Vure, ge pelekado hita.

Epesus 2:8,9 A Vure i rata kamumu mua, i korimule mua, a vuhuna mu luhoi torea. Ra hini mu luhoi torea, i uka ma i valai ne mua. A Vure i habia ne mua a niluhoi ie. I korimule mua, i uka ma i ramai a naro kamumu mu ratea, i mavonga i uka tara viri ge bibi rike mule a rana.



Rom 10:9,10 I mavonga, na ngavamu o taki tala ne Isu ia a Bakovi Dagi vomu. Na hatemu, o luhoi torea a Vure i vakamahuri mulea na matenga, lakea a Vure bara i korimule ioe. E huriki ri luhoi torea e Isu na hatene ria, a Vure bara i taki ria ri malamala. E huriki ri ta tala na ngavane ria, ne Isu ia a Bakovi Dagi, a Vure bara i korimule ria.

Loanes 3:16,17 "I mavonga a vuhuna a Vure i ngaru hateka e huriki na malala, lakea i rudua e Tuna a bakovi a madiva ge mate, lakea e rei a viri i luhoi tora ia i uka ma ge velu, bara i bole a nimahuri vakaroro." A Vure i rudua e Tuna a bakovi i valai na malala, i uka ma ge pelekado e huriki. I rudu vilia ge korimule e huriki na limana.



1 Loanes 5:11-13 A ngava a Vure i vakalongo hita vona i maea, ge habi ne hita a nimahuri vakaroro. A nimahuri vakaroro iea i valai ne Tuna. E rei a viri i laho turana Tuna Vure bara i tahoka a nimahuri vakaroro. Pali e rei a viri i uka ma i laho turana Tuna Vure i uka ma ge tahoka a nimahuri vakaroro. Iau a here a ngava nga lakene mua e huriki mu luhoi torea a rana Tuna Vure, mu gu lohoka vona mu tahoka a nimahuri vakaroro.



A Vuhuna 1-2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: Bob Davies; Tammy S.

Bola Bible (bnp) © 2011 Wycliffe Bible Translators, Inc.  
All rights reserved.

<https://live.bible.is/bible/BNPWBT/GEN/1>

©2024 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

